

Bwrdd Taliadau Cynulliad Cenedlaethol Cymru

Cofnodion: WRB (14) 12 Hydref 2012 Amser: 09.00–13.00

Ystafell: Ystafell Gynadledda 4B

Aelodau'r Bwrdd

Y Gwir Anrhydeddus Syr George Reid (Cadeirydd)

Sandy Blair

Mary Carter

Stuart Castledine

Monojit Chatterji

Eraill:

Adrian Crompton (Cyfarwyddwr Busnes y Cynulliad)

John Chick (Pennaeth Cymorth Busnes i'r Aelodau)

Dominic Houlihan (Rheolwr Gwasanaethau Cwsmeriaid)

Staff Cymorth y Bwrdd:

Carys Eyton Evans, Clerc

Al Davies, Dirprwy Glerc

Eitem 1: Cyflwyniad y Cadeirydd

- 1. Croesawodd y Cadeirydd aelodau'r Bwrdd i'w bedwerydd cyfarfod ar ddeg. Clywodd aelodau'r Bwrdd am newidiadau staffio a gafwyd yn ddiweddar yng Nghynulliad Cenedlaethol Cymru, gan gynnwys ymadawiad Keith Bush yr wythnos ganlynol a phenodiad Elisabeth Jones i'w olynu fel Prif Gynghorydd Cyfreithiol y Cynulliad. Dymunodd y Cadeirydd Keith yn dda gan ddiolch iddo am y gefnogaeth sylweddol a roddodd i'r Bwrdd ers ei sefydlu.**
- 2. Nodwyd bod Helen Finlayson a Dafydd Kidd, cyn Ddirprwy Glercod y Bwrdd, wedi symud ymlaen, a'u bod wedi cael dyrchafiad yn y Cynulliad ac yn Llywodraeth Cymru, yn y drefn honno. Rhoddodd y Cadeirydd ddiolch i'r ddau am eu gwaith caled wrth gefnogi'r Bwrdd gan ddymuno'n dda iddynt yn ei gyrfaedd yn y dyfodol.**
- 3. Croesawodd y Cadeirydd John Chick yn ôl, yn dilyn ei daith beicio yn ddiweddar i Istanbul a nôl i godi arian i elusen, a llongyfarchodd ef ar ei lwyddiant wrth godi swm sylweddol o arian tuag at elusennau Tŷ Hafan a Felindre.**

a) Cofnodion y Cyfarfod Diwethaf

Ystyriwyd cofnodion y cyfarfod blaenorol ar 22 Mehefin 2012 a chadarnhawyd eu bod yn gofnod cywir – yn dilyn cywiriad bach i'r rhestr o'r rhai a oedd yn bresennol.

b) Datgan Buddiannau

Nododd Stuart Castledine ei fod yn bwriadu mynd i ginio arall gyda PwC, ac ychwanegodd fod y rhain yn debygol o fod yn ddigwyddiadau sy'n cael eu cynnal bob chwe mis. Roedd hefyd yn bwriadu mynd i ginio sy'n cael ei gynnal gan Lywodraethwr Banc Lloegr fel gwestai i Quantum Advisory, a oedd yn bresennol yn y Colocwium Pensiynau.

4. Nododd y Cadeirydd y cafodd wahoddiad i ymuno â fforwm newid undeb y DU sy'n cynnwys cynrychiolwyr o bob un o ddeddfwrfeydd y DU yn ogystal ag academyddion.

Eitem 2: Cymorth i Aelodau'r Cynulliad sydd â chyfrifoldebau gofal

5. Esboniodd y Cadeirydd fod Clerc y Cynulliad wedi gofyn iddo ystyried a yw'r trefniadau presennol ar gyfer rhoi cymorth i Aelodau'r Cynulliad sydd â chyfrifoldebau gofal yn ddigonol. Trafododd aelodau'r Bwrdd, fel y cytunwyd yn eu cyfarfod ym mis Ionawr 2012, y gallai Aelodau unigol godi unrhyw fater o'r natur hon gyda Chlerc y Cynulliad. Byddai'r Clerc yn penderfynu, a yw'r amgylchiadau'n wirioneddol eithriadol, yn ei barn hi, ac, os felly, fe fyddai hi'n ymgynghori â Chadeirydd y Bwrdd. Byddai'r Cadeirydd wedyn yn adrodd yn ôl at y Bwrdd, a fyddai'n penderfynu a ddylid cynnig unrhyw gymorth ychwanegol.
6. Trafododd aelodau'r Bwrdd nifer o opsiynau, gan gynnwys y posibilrwydd o ddarparu lwfans ychwanegol i'r rhai sydd â chyfrifoldebau gofal.
7. Er ei bod yn bosibl y bydd rhai amgylchiadau eithriadol lle bydd yn briodol rhoi cymorth ychwanegol i Aelodau'r Cynulliad, nid oedd y Bwrdd yn teimlo bod modd cyfiawnhau newid y dyfarniad ar hyn o bryd, yn enwedig yn sgîl newidiadau arfaethedig Llywodraeth y DU i fudd-daliadau lles. Cytunwyd y byddai'r Bwrdd yn comisiynu ymchwil annibynnol yn y maes hwn i lywio dyfarniad y Bwrdd ar gyfer y pumed Cynulliad.
8. Cytunodd Aelodau'r Bwrdd fod y drefn bresennol yn ddigonol, ac y dylai'r Cadeirydd a'r Prif Weithredwr barhau i ymdrin ag argymhellion mewn ymgynghoriad â'i gilydd. O gofio y gallai llawer o faterion o'r

math yma fod yn sensitif a phersonol eu natur, cytunodd Aelodau'r Bwrdd bod angen sicrhau y caiff pob achos unigol ei drin gyda chyfrinachedd llym, a sicrhau ar yr un pryd y gwneir penderfyniadau cadarn a phendant.

Eitem 3: Y wybodaeth ddiweddaraf am newid rheolau Cyllid a Thollau Ei Mawrhydi

9. Cafodd aelodau'r Bwrdd y wybodaeth ddiweddaraf yn ymwneud â chynigion Cyllid a Thollau Ei Mawrhydi i gyflwyno newidiadau i gyfraniadau treth Aelodau'r Cynulliad.

Eitem 4: Trefniadau Llety

10. Yng nghyfarfod y Bwrdd ym mis Mehefin, cytunodd yr aelodau i newid lwfans llety dros nos y rhai sy'n byw yn yr ardal fewnol, a chyflwynodd 'ardal ryngol' newydd. Trafododd y Bwrdd a fyddai'n briodol caniatáu aelodau yn yr ardal ryngol i ddefnyddio'r hyn a gronwyd ganddynt, o ran yr hyn y mae hawl ganddynt ei hawlio ar gyfer llety dros nos, i dalu am gytundebau rhentu. Ystyriodd aelodau'r Bwrdd y peryglon a allai fod ynghlwm wrth drefn o'r fath, a sut y gellir eu lliniaru.
11. Ar ôl ystyried manteision unrhyw drefniadau rhentu o ran yr Aelod a'r Cynulliad, cytunodd aelodau'r Bwrdd y byddai unrhyw newidiadau i ganiatáu trefniadau newydd ar gyfer llety mwy hirdymor neu barhaol fod yn groes i'r egwyddor o ganiatáu Aelodau yn yr ardal fewnol i gael aros mewn llety dros nos ar adegau. Cytunwyd bod y ddarpariaeth bresennol yn ddigonol ac felly y dylid ei chadw.

Eitem 5: Ymgynghori ar Bensiynau – y camau nesaf

12. Esboniodd y Cadeirydd iddo gwrdd ag Arweinwyr y Pleidiau ac iddo ymgysylltu â grwpiau'r pleidiau i roi trosolwg o waith ymgynghori'r Bwrdd ar bensiynau.
13. Rhoddodd y Cadeirydd ddiolch i bawb a fu ynghlwm wrth y gwaith paratoi ar gyfer y Colocwïwm Pensiynau a gafwyd ar 11 Hydref. Cytunodd aelodau'r Bwrdd fod y digwyddiad wedi bod yn un cadarnhaol, ac y cafwyd nifer o gyfraniadau dilys ac o ansawdd gan y rhai a oedd yn bresennol, gan gynnwys rhanddeiliaid a gwesteion allanol. Roedd aelodau'r Bwrdd yn falch bod gan yr ymddiriedolwyr pensiynau gynrychiolaeth, ond bu iddynt fynegi siom mai dim ond tri Aelod Cynulliad a oedd yn bresennol.

14. Cytunwyd, er y gwnaed ymdrech sylweddol i wneud Aelodau yn ymwybodol o'r gwaith ymgynghori ar bensiynau, y bydd staff yr ysgrifenyddiaeth yn parhau i godi ymwybyddiaeth gan annog Aelodau i gymryd rhan yn y broses ymgynghori gan:
- Annog Aelodau i gymryd rhan yn y broses ymgynghori a fydd ar y gweill tan 17 Ionawr 2013.
 - Hyrwyddo ymgysylltiad hefyd, os bydd hynny'n bosibl, gan y gymdeithas yn ehangach y tu allan i'r Cynulliad, er mwyn cynnwys sefydliadau'r sector cyhoeddus a phreifat.
 - Monitro datblygiadau gyda phroses ymgynghori IPSA a'r Bwrdd, a chael cynrychiolaeth mewn unrhyw ddigwyddiadau tebyg a gynhelir ganddynt.
15. Cytunwyd y byddai Monojit Chaterji yn rhoi rhai enghreifftiau o dan yr opsiynau ar gyfer pensiynau yn y papur ymgynghori sydd i'w drafod yn y cyfarfod nesaf.

Eitem 6: Adolygu cyflogau staff cymorth Aelodau'r Cynulliad a materion staffio Aelodau'r Cynulliad

16. Roedd cytundeb cyffredinol bod y cyfweiliadau diweddar â staff cymorth Aelodau'r Cynulliad wedi bod yn hynod werthfawr a defnyddiol. Rhoddodd aelodau'r Bwrdd ddiolch i'r rhai a gymerodd rhan. Nododd aelodau'r Bwrdd eu hargraff gadarnhaol cyffredinol o safon ac ymrwymiad y staff a gafodd eu cyfweld.
17. Trafodwyd yr ystyriaethau canlynol o ran symud ymlaen:
- Caiff yr holl wybodaeth hyd yma ei chasglu a'i gwerthuso cyn cyfarfod y Bwrdd ym mis Rhagfyr;
 - Annog mwy o staff cymorth Aelodau'r Cynulliad i gymryd rhan yn yr ymgynghoriad a fydd yn cael ei lansio'r wythnos ganlynol ac a fydd yn parhau tan ddiwedd mis Tachwedd.
18. Cytunwyd y byddai aelodau'r Bwrdd yn ceisio cwrdd â chymaint o Aelodau'r Cynulliad ag sy'n bosibl er mwyn llywio ei waith ar fframwaith staffio Aelodau'r Cynulliad. Bydd y cyfarfodydd hyn ym mis Tachwedd ac yn gynnar ym mis Rhagfyr os bydd hynny'n bosibl. Yn ogystal, bydd y Bwrdd yn gwahodd tystiolaeth ysgrifenedig gan Aelodau'r Cynulliad.

Eitem 7: Unrhyw fater arall

19. Nid oedd unrhyw fater arall.

Cadarnhawyd mai dyddiad y cyfarfod nesaf fydd 14 Rhagfyr 2012.

**Yr ysgrifenyddiaeth
Hydref 2012**